

BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO



БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА

P R A V I L N I K
o provedbi Zakona o zaštiti ličnih podataka
u Centralnoj izbornoj komisiji Bosne i Hercegovine

Sarajevo, august 2011. godine

Na osnovu člana 16. Zakona o upravi („Službeni glasnik BiH“ br. 32/02 i 102/09), člana 11. stav (3) Zakona o zaštiti ličnih podataka („Službeni glasnik BiH“ broj 49/06) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 50/07 i 33/09), Centralna izborna komisija Bosne i Hercegovine je na 54. sjednici održanoj 25.08.2011. godine, donijela

P R A V I L N I K

o provedbi Zakona o zaštiti ličnih podataka u Centralnoj izbornoj komisiji Bosne i Hercegovine

Član 1. **(Predmet)**

Ovim pravilnikom propisuju se pravila i procedure u Centralnoj izbornoj komisiji Bosne i Hercegovine (u daljnjem tekstu: Centralna izborna komisija BiH) za primjenu osnovnih principa zakonite obrade ličnih podataka u Centralnoj izbornoj komisiji BiH, postupak davanja ličnih podataka korisniku i prijenos podataka u inostranstvo, pravila za ostvarivanje prava nosioca podataka, način i postupak vođenja evidencija propisanih Zakonom o zaštiti ličnih podataka, te postupak donošenja Plana sigurnosti podataka u Centralnoj izbornoj komisiji BiH.

Član 2. **(Definicija)**

Izrazi koji se koriste u ovom pravilniku imaju isto značenje kao u Zakonu o zaštiti ličnih podataka.

Član 3. **(Zakonitost i pravičnost)**

Centralna izborna komisija BiH vodi sljedeće zbirke ličnih podataka:

- a) Evidenciju o zaposlenim na osnovu Zakona o radu u institucijama Bosne i Hercegovine, Zakona o državnoj službi u institucijama Bosne i Hercegovine, Izbornog zakona Bosne i Hercegovine i Pravilnika o unutrašnjoj organizaciji Sekretarijata Centralne izborne komisije Bosne i Hercegovine;
- b) Evidenciju o obračunu i isplatama plaća zaposlenim u Centralnoj izbornoj komisiji BiH na osnovu Zakona o plaćama i naknadama u institucijama Bosne i Hercegovine;
- c) Evidenciju Centralnog biračkog spiska na osnovu Izbornog zakona Bosne i Hercegovine, a u skladu sa Pravilnikom o vođenju Centralnog biračkog spiska, o ličnim podacima o aktivnim glasačima s pravom glasa i Jedinstvenom metodologijom i programom obrade i vođenja evidencija Centralnog biračkog spiska;
- d) Evidenciju prijavljenih političkih subjekata na osnovu Izbornog zakona BiH, a u skladu sa Pravilnikom o prijavi i ovjeri političke stranke, nezavisnog kandidata, koalicije i liste nezavisnih kandidata za učešće na neposrednim izborima i postupak prijave i ovjere kandidata za popunu garantiranih mandata za pripadnike nacionalnih manjina;

- e) Evidencija kandidata i izabranih zvaničnika na osnovu Izbornog zakona BiH, a u skladu sa Pravilnikom o prijavi i ovjeri političke stranke, nezavisnog kandidata, koalicije i liste nezavisnih kandidata za učešće na neposrednim izborima i postupak prijave i ovjere kandidata za popunu garantiranih mandata za pripadnike nacionalnih manjina, Uputstvom o dodjeli i prestanku mandata i Uputstvom o postupku provedbe posrednih izbora zakonodavnih organa vlasti u BiH.
- f) Evidenciju izborne administracije na osnovu Izbornog zakona BiH, a u skladu sa Uputstvom o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini i Uputstva o utvrđivanju kvalifikacija, broja članova, postupka žrijebanja i imenovanja, obuke, provjere znanja i certificiranja članova biračkih odbora i mobilnih timova za glasanje;
- g) Evidenciju imovinskih kartona vodi se u elektronskom i materijalnom obliku kao registar kartona dostavljenih od strane svih kandidata/zvaničnika na osnovu člana 15.7 i 15.8 Izbornog zakona BiH i Uputstva o izgledu i načinu popunjavanja obrazaca Izjave o imovinskom stanju;
- h) Registar postupaka se vodi u materijalnom i elektronskom obliku na osnovu člana 17. Zakona o sukobu interesa u institucijama vlasti BiH i člana 2. i 7. stav (1) tačka a) i stav (4) Pravilnika o načinu vođenja registra;
- i) Registar izrečenih sankcija se vodi u materijalnom i elektronskom obliku na osnovu člana 17. Zakona o sukobu interesa u institucijama vlasti BiH i člana 2. i 7. stav (1) tačka a) i stav (5) Pravilnika o načinu vođenja registra;
- j) Centralni registar poklona se vodi u materijalnom i elektronskom obliku u skladu sa članom 10., a u vezi člana 17. Zakona o sukobu interesa u institucijama vlasti BiH i člana 2. i 7. stav (1) tačka c) Pravilnika o načinu vođenja registra;
- k) Dosije za svakog izabranog zvaničnika, nosioca izvršne funkcije ili savjetnika na osnovu člana 11. Pravila o vođenju postupka iz oblasti Zakona o sukobu interesa BiH, a u vezi člana 17. Zakona o sukobu interesa u institucijama vlasti BiH;
- ~~l) Izvještaj političke stranke o finansiranju u skladu sa članom 11. Zakona o finansiranju političkih stranaka, a u vezi člana 15.1 Izbornog zakona BiH i~~
- m) Evidenciju o izdatim i zamijenjenim legitimacijama državnih službenika u Službi za reviziju finansiranja političkih stranaka, a u skladu sa članom 11. Zakona o finansiranju političkih stranaka i članom 8. Pravilnika o službenoj legitimaciji državnih službenika u Službi za reviziju finansiranja političkih stranaka.

Član 4. (Svrha obrade)

Svrha obrade ličnih podataka sadržanih u zbirkama ličnih podataka iz člana 3. ovog pravilnika proizlazi iz zakona koji predstavljaju pravni osnov za njihovu obradu, i to:

- a) Lični podaci u Evidenciji o zaposlenim obrađuju se u svrhu regulisanja radno pravnog statusa, te prava i obaveza zaposlenih u Centralnoj izbornoj komisiji BiH, u skladu sa Zakonom o državnoj službi u institucijama Bosne i Hercegovine, Zakonom o radu u institucijama Bosne i Hercegovine, Izbornim zakonom Bosne i Hercegovine i Pravilnikom o unutrašnjoj organizaciji Sekretarijata Centralne izborne komisije Bosne i Hercegovine.

- b) Lični podaci u Evidenciji o obračunu i isplatama plaća obrađuju se u svrhu isplate plaće i drugih naknada zaposlenim, te u svrhu ispunjavanja obaveza koje Centralna izborna komisija BiH kao budžetska institucija ima prema drugim državnim organima i institucijama u skladu sa Zakonom o plaćama i naknadama u institucijama Bosne i Hercegovine, te drugim zakonima koji se odnose na ovu oblast.
- c) Lični podaci u Evidenciji Centralnog biračkog spiska obrađuju se u svrhu izrade izvoda iz Centralnog biračkog spiska za potrebe organizacije i provođenja izbora, provođenje referendum, provođenje opoziva izabranog funkcionera i izbor organa lokalne samouprave u skladu sa Izbornim zakonom BiH, Pravilnikom o vođenju Centralnog biračkog spiska, o ličnim podacima o aktivnim glasačima s pravom glasa i Jedinstvenom metodologijom i programom obrade i vođenja evidencija Centralnog biračkog spiska.
- d) Lični podaci u Evidenciji prijavljenih političkih subjekata obrađuju u svrhu provjere ispunjavanja uslova za ovjeru učešća na izborima političkih subjekata u skladu sa Izbornim zakonom BiH i Pravilnikom o prijavi i ovjeri političke stranke, nezavisnog kandidata, koalicije i liste nezavisnih kandidata za učešće na neposrednim izborima i postupak prijave i ovjere kandidata za popunu garantiranih mandata za pripadnike nacionalnih manjina.
- e) Lični podaci u Evidenciji kandidata i izabranih zvaničnika obrađuju se u svrhu provjere ispunjavanja uslova za kandidovanje, te nakon provedenih izbora u svrhu dodjele mandata u skladu sa Izbornim zakonom BiH, Pravilnikom o prijavi i ovjeri političke stranke, nezavisnog kandidata, koalicije i liste nezavisnih kandidata za učešće na neposrednim izborima i postupak prijave i ovjere kandidata za popunu garantiranih mandata za pripadnike nacionalnih manjina, Uputstvom o dodjeli i prestanku mandata i Uputstvom o postupku provedbe posrednih izbora zakonodavnih organa vlasti u BiH.
- f) Lični podaci u Evidenciji izborne administracije vode se u svrhu imenovanja članova izborne administracije i isplata naknada za njihov rad u skladu sa Izbornim zakonom BiH, Uputstvom o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini i Uputstvom o utvrđivanju kvalifikacija, broja članova, postupka žrijebanja i imenovanja, obuke, provjere znanja i certificiranja članova biračkih odbora i mobilnih timova za glasanje.
- g) Lični podaci u Evidenciji imovinskih kartona obrađuju se u svrhu stavljanja istih na uvid javnosti u skladu sa Izbornim zakonom BiH i Uputstvom o izgledu i načinu popunjavanja obrazaca Izjave o imovinskom stanju.
- h) Lični podaci u Registru postupaka vode se u svrhu evidentiranja pokrenutih i okončanih postupaka za izabrane zvaničnike, savjetnike i nosioce izvršnih funkcija u skladu sa Zakonom o sukobu interesa u institucijama vlasti BiH i Pravilnikom o načinu vođenja registra.
- i) Lični podaci u Registru izrečenih sankcija vode se u svrhu evidentiranja osoba kojima je izrečena sankcija radi zabrane obnašanja određenih funkcija u skladu sa Zakonom o sukobu interesa u institucijama vlasti BiH i Pravilnikom o načinu vođenja registra.
- j) Lični podaci u Centralnom registru poklona vode se u svrhu evidentiranja svih primljenih poklona od strane izabranih zvaničnika, savjetnika i nosioca izvršnih funkcija u skladu sa Zakonom o sukobu interesa u institucijama vlasti BiH i Pravilnikom o načinu vođenja registra.
- k) Lični podaci u Evidenciji dosijea izabranih zvaničnika, savjetnika i nosioca izvršnih funkcija vode se u svrhu prikupljanja i analize ličnih podataka izabranih zvaničnika, savjetnika i nosioca izvršnih funkcija mjerodavnih za ocjenu eventualnog kršenja odredaba zakona o sukobu interesa u skladu sa Pravilima o vođenju postupka iz oblasti Zakona o sukobu interesa BiH.

- l) Lični podaci u Godišnjim izvještajima političkih subjekata vode se u u svrhu utvrđivanja identiteta donatora i provjere utvrđenih limita donacija za fizička lica u skladu sa Izbornim zakonom BiH i Zakonom o finansiranju političkih stranaka.
- m) Lični podaci u Evidenciji o izdatim i zamijenjenim legitimacijama državnih službenika u Službi za reviziju finansiranja političkih stranaka obrađuju se u svrhu dokazivanja identiteta i ovlaštenja državnih službenika u skladu sa Zakonom o finansiranju političkih stranaka i Pravilnikom o službenoj legitimaciji državnih službenika u Službi za reviziju finansiranja političkih stranaka.

Član 5. **(Mjera i obim)**

Podatke u zbirkama ličnih podataka iz člana 3. ovog pravilnika, Centralna izborna komisija BiH obrađuje u obimu koji je utvrđen u propisima koji predstavljaju pravni osnov za vođenje ovih evidencija i to:

- a) Evidencija o zaposlenim vodi se u obliku administrativnog dosijea za svakog zaposlenog posebno i u obliku knjige o zaposlenim i sadrži sljedeće vrste ličnih podataka:
 - 1) ime i prezime, ime oca, dan, mjesec i godina rođenja, spol, JMB, adresa prebivališta, državljanstvo, nacionalnost, vrsta i stepen stručne spreme, o nevođenju krivičnog postupka, o zdravstvenoj sposobnosti za obavljanje određenih poslova, o ocjeni rada, o prethodnom radnom stažu, da nije otpušten iz državne službe kao rezultat disciplinske mjere u posljednje tri godine prije zaposlenja i da nije obuhvaćen odredbom člana IX 1. Ustava Bosne i Hercegovine, datum zasnivanja radnog odnosa, datum prestanka radnog odnosa, o disciplinskim mjerama, o godišnjem odmoru, o novčanoj nagradi, o dopunskoj djelatnosti, porodični status, podaci o osiguranim članovima porodice;
- b) Evidencija o obračunu i isplatama plaća vodi se u obliku različitih izvještaja na mjesečnom i godišnjem nivou i sadrži sljedeće vrste ličnih podataka:
 - 1) ime, ime oca i prezime, spol, JMB, broj socijalnog osiguranja, kvalifikacija, općina stanovanja zaposlenog, adresa stanovanja zaposlenog, općina stanovanja porodice, općina PIO, općina zdravstva, općina doprinosa za zapošljavanje, radno mjesto, datum zaposlenja, kategorija ovlaštenja, prethodni staž, banka, transakcijski račun banke, račun zaposlenika, vrsta plaćanja, platni razred i osnovni koeficijent, podaci o prihodima porezima i doprinosu, o prisustvovanju na poslu, o bolovanju, o iznosu bruto i neto plaće i naknadama;
- c) Evidencija Centralnog biračkog spiska vodi se u elektronskom obliku, a obrada se vrši automatski sa pripadajućom ručnom datotekom i ista sadrži sljedeće vrste ličnih podataka:
 - 1) jedinstveni matični broj, prezime, ime roditelja, ime, spol, datum rođenja, općina prebivališta, općina za koju glasa, naselje (ulica, broj), pravo glasa, status (živ, mrtav), status biračkog mjesta (redovno ili raseljeno lice), datum izmjene i biračko mjesto.
- d) Evidencija prijavljenih političkih subjekata se vodi u elektronskom obliku i sastoji se od više aplikacija, kroz koje se obrađuju sljedeće vrste ličnih podataka:
 - 1) Ovlaštena lica: ime i prezime ovlaštenog lica, funkcija,
 - 2) Statutarna tijela: prezime, ime, jedinstveni matični broj,
 - 3) Potpisi podrške: jedinstveni matični broj.

- e) Evidencija kandidata i izabranih zvaničnika vodi se u elektronskom obliku i ista sadrži sljedeće vrste ličnih podataka:
- 1) ime i prezime, jedinstveni matični broj, adresu prebivališta, stručna sprema, izjašnjenje o pripadnosti konstitutivnom narodu ili grupi ostalih, spol, kontakt adresa, uključujući općinu, broj telefona/fax, broj važeće lične karte i mjesto njenog izdavanja, datum i potpis kandidata, potpis predsjednika političke stranke, odnosno predsjednika političkih stranaka u koaliciji, broj osvojenih glasova, da li je osvojio mandat, politički subjekt, redosljed i izborna jedinica (organ).
- f) Evidencija izborne administracije vodi se u elektronskom obliku i sadrži sljedeće vrste ličnih podataka:
- 1) ime i prezime, jedinstveni matični broj, prebivalište, broj lične karte, nacionalna pripadnost, stručna sprema, zanimanje, trenutno zaposlenje, poslove koje obavlja, podaci o izbornom iskustvu, podatak o dostavljenoj svojeručno potpisanoj izjavi o članstvu u izvršnom organu, političkoj stranci ili koaliciji, podatak o dostavljenoj svojeručno potpisanoj izjašnjenju o nacionalnoj pripadnosti, napomena, potpis predsjednika skupštine općine/općinskog vijeća.
- g) Evidencija imovinskih kartona vodi se u elektronskom i materijalnom obliku kao registar kartona dostavljenih od strane svih kandidata/zvaničnika a sadrži sljedeće vrste ličnih podataka:
- 1) ime i prezime, politički subjekt, izborna jedinica, podaci o porodici i domaćinstvu, adresa, prihodi, imovina i dugovanja.
- h) Registar postupka se vodi u materijalnom i elektronskom obliku i sadrži sljedeće vrste ličnih podataka:
- 1) ~~U materijalnom obliku: prezime i ime, datum pokretanja postupka, sjednica, broj predmeta, primjedba, prijem i datum i~~
 - 2) U elektronskom obliku: ime, prezime, srednje ime, ime oca, djevojačko prezime, jedinstveni matični broj, spol, nacionalnost, mjesto rođenja, datum rođenja, adresa, politički subjekt, broj dosijea, status podataka (validni ili ne), nivo vlasti, broj procesa, broj protokola, datum pokretanja postupka, broj sjednice pokretanja postupka, osnova pokretanja postupka, napomena, broj sjednice obustave postupka, datum obustave postupka, napomena za obustavu, broj sankcije, datum početka sankcije, datum isteka sankcije, odluka Centralne izborne komisije BiH broj predmeta, datum odluke Centralne izborne komisije BiH, datum pravosnažnosti, datum arhiviranja, vrsta sankcija, osnova nespojivosti, napomena za sankciju, iznos novčane sankcije, datum izvršenja novčane sankcije, do sada uplaćeno, broj mandatne sankcije, datum izvršenja mandatne sankcije, broj zahtjeva za odgodu, datum zahtjeva za odgodu, izvršni postupak odluka suda, izvršni postupak datum, broj sjednice brisanja sankcije, datum brisanja sankcije, zaključak o brisanju, podaci o odgovoru na tužbu/žalbu/apelaciju, ID, tip odgovora, datum žalbe/tužbe/apelacije, broj žalbe/tužbe/apelacije, datum odgovora suda, tip odgovora suda, broj odgovora suda, datum odgovora Centralne izborne komisije BiH, broj odgovor Centralne izborne komisije BiH, napomena.

- i) Registar izrečenih sankcija se vodi u materijalnom i elektronskom obliku i sadrži sljedeće lične podatke:
- 1) redni broj, prezime i ime, jedinstveni matični broj, nespojivost, odluka Centralne izborne komisije BiH broj i datum, sadržaj dispozitiva, žalba/datum, odluka suda po žalbi broj i datum, tužba datum, zahtjev za odgodu izvršenja/odluka Centralne izborne komisije BiH, odluka suda po tužbi broj i datum, apelacija ustavnog suda datum, odluka ustavnog suda po apelaciji broj i datum, izvršni postupak/odluka suda/broj i datum, izvršenje odluke Centralne izborne komisije BiH/mandat/datum, izvršenje odluke Centralne izborne komisije BiH/novčana kazna/datum, datum isteka sankcije, brisanje novčane sankcije/datum, brisanje zabrane/datum.
- j) Centralni registar poklona vodi se u materijalnom i elektronskom obliku i sadrži sljedeće lične podatke :
- 1) redni broj, prezime i ime primaoca poklona, funkcija koju obavlja, opis poklona, datum prijema poklona, vrijednost poklona, podatak od koga je primljen poklon, institucija od koje je dostavljena informacija o primljenim poklonima.
- k) Dosije za svakog izabranog zvaničnika, nosioca izvršne funkcije ili savjetnika vodi se u materijalnom obliku i sadrži sljedeće dokumente:
- 1) Broj dosijea, ime i prezime, jedinstveni matični broj, adresa, funkcija koju trenutno obavlja, nivo vlasti, broj predmeta, kao dokumentacija prikupljena u istražnom postupku, sankcija i datum arhiviranja.
- l) Izvještaj političke stranke o finansiranju u materijalnom obliku sadrži sljedeće dokumente:
- 1) Naziv organizacionog dijela političke stranke, jedinični matični broj, ukupan iznos priloga čija je pojedinačna vrijednost manja od 100 KM, ime i prezime donatora, čiji je prilog veći od 100 KM, JMB donatora, datum kada je prilog dat i iznos priloga.
- m) Evidencija o izdatim i zamijenjenim legitimacijama državnih službenika u Službi za reviziju finansiranja političkih stranaka, vodi se u obliku knjige i sadrži sljedeće vrste ličnih podataka:
- 1) redni broj, ime i prezime državnog službenika kojem je izdata odnosno zamijenjena revizorska legitimacija, zvanje/status, broj legitimacije, datum izdavanja legitimacije i datum vraćanja legitimacije.

Član 6. **(Tačnost i autentičnost)**

Zaposlenik u Centralnoj izbornoj komisiji BiH dužan je pravovremeno ažurirati podatke u zbirkama ličnih podataka iz člana 3. ovog pravilnika na osnovu relevantne dokumentacije i osigurati dokaze o porijeklu ličnih podataka i to:

- a) obrada ličnih podataka u Evidenciji o zaposlenim i Evidenciji o obračunu i isplatama plaća vrši se u Odsjeku za operativne i zajedničke poslove i Odsjeku za materijalno-finansijske poslove.
- b) obrada ličnih podataka u Evidenciji Centralnog biračkog spisaka vrši se u Sektoru za izbore i informacione tehnologije.

- c) obrada ličnih podataka u Evidenciji prijavljenih političkih subjekata vrši se u Odsjeku za izbore.
- d) obrada ličnih podataka u Evidenciji kandidata i izabranih zvaničnika vrši se u Sektoru za izbore i informacione tehnologije.
- e) obrada ličnih podataka u Evidenciji izborne administracije vrši se u Odsjeku za izbore.
- f) obrada ličnih podataka u Evidenciji imovinskih kartona vrši se u Odsjeku za izbore.
- g) obrada ličnih podataka u Registru postupka vrši se u Odsjeku za provedbu Zakona o sukobu interesa u institucijama vlasti BiH.
- h) obrada ličnih podataka u Registru izrečenih sankcija vrši se u Odsjeku za provedbu Zakona o sukobu interesa u institucijama vlasti BiH.
- i) obrada ličnih podataka u Centralnom registru poklona vrši se u Odsjeku za provedbu Zakona o sukobu interesa u institucijama vlasti BiH.
- j) obrada ličnih podataka u Dosijeu za svakog izabranog zvaničnika, nosioca izvršne funkcije ili savjetnika vrši se u Odsjeku za provedbu Zakona o sukobu interesa u institucijama vlasti BiH.
- k) obrada ličnih podataka u Izvještaju političke stranke o finansiranju vrši se u Službi za reviziju finansiranja političkih stranaka.
- l) obrada ličnih podataka u Evidenciji o izdatim i zamijenjenim revizorskim legitimacijama vrši se u Službi za reviziju finansiranja političkih stranaka.

Član 7. (Rokovi za obradu podataka)

Rokovi za obradu podataka u zbirkama ličnih podataka iz člana 3. ovog pravilnika određeni su u Listi kategorija registraturne građe s rokovima čuvanja u Centralnoj izbornoj komisiji BiH:

- a) podatke u Evidenciji o zaposlenim, Centralna izborna komisija BiH obrađuje trajno;
- ~~b) podatke u Evidenciji o obračunu i isplatama plaća, Centralna izborna komisija BiH obrađuje trajno;~~
- c) podatke u Evidenciji Centralnog biračkog spisaka Centralna izborna komisija BiH obrađuje trajno.
- d) podatke u Evidenciji prijavljenih političkih subjekata Centralna izborna komisija BiH obrađuje pet godina.
- e) podatke u Evidenciji kandidata i izabranih zvaničnika Centralna izborna komisija BiH obrađuje u Odsjeku za izbore trajno.
- ~~f) podatke u Evidenciji izborne administracije Centralna izborna komisija BiH obrađuje sedam godina.~~
- g) podatke u Evidenciji imovinskih kartona Centralna izborna komisija BiH obrađuje pet godina u materijalnom obliku i trajno u elektronskom obliku.
- h) podatke u Registru postupka Centralna izborna komisija BiH obrađuje trajno.
- i) podatke u Registru izrečenih sankcija Centralna izborna komisija BiH obrađuje trajno.

- j) podatke u Centralnom registru poklona Centralna izborna komisija BiH obrađuje trajno.
- k) podatke u Dosijeu za svakog izabranog zvaničnika, nosioca izvršne funkcije ili savjetnika Centralna izborna komisija BiH obrađuje deset godina.
- l) podatke u Izvještaju političke stranke o finansiranju Centralna izborna komisija BiH obrađuje šest godina.
- m) podatke u Evidenciji o izdatim i zamijenjenim revizorskim legitimacijama, Centralna izborna komisija BiH obrađuje trajno.

Član 8. **(Davanje ličnih podataka korisniku)**

- (1) Davanje podataka sadržanih u zbirkama ličnih podataka iz člana 3. ovog pravilnika korisniku se vrši u skladu sa članom 17. Zakona o zaštiti ličnih podataka ukoliko su u pitanju javni organi i ukoliko je istim potrebno za izvršavanje zakonom utvrđene nadležnosti.
- (2) Davanje podataka sadržanih u zbirkama ličnih podataka iz člana 3. ovog pravilnika korisniku, koji je pravno i fizičko lice, vrši se u skladu sa Zakonom o slobodi pristupa informacijama.
- (3) Davanje podataka iz evidencije o zaposlenim i evidencije o obračunu i isplatama plaća vrši se institucijama, ustanovama i zavodima radi regulisanja radno pravnog statusa kao i prava i obaveza zaposlenika.

Član 9. **(Prenos podataka u inostranstvo)**

Podatke iz zbirke ličnih podataka iz člana 3. ovog pravilnika Centralna izborna komisija BiH neće prenositi u inostranstvo.

Član 10. **(Postupak po zahtjevu nosioca podataka)**

- (1) Po prijemu zahtjeva nosioca podataka, koji se odnosi na informacije u vezi obrade njegovih ličnih podataka, Centralna izborna komisija BiH nosiocu podataka u roku od 30 dana dostavlja odgovor jednom godišnje bez naknade, u skladu sa članom 25. stav (1) Zakona o zaštiti ličnih podataka.
- (2) Osim dostavljanja informacije nosiocu podataka jednom godišnje bez naknade, Centralna izborna komisija BiH uz odgovarajuću naknadu, nosiocu podataka dostavlja informacije u bilo koje vrijeme, u skladu sa članom 25. stav (2) Zakona o zaštiti ličnih podataka.
- (3) Centralna izborna komisija BiH može odbiti zahtjev nosioca podataka, koji se odnosi na informacije u vezi obrade njegovih ličnih podataka, kada je ispunjen jedan od slučajeva propisan u članu 28. Zakona o zaštiti ličnih podataka.

Član 11.
(Ispravke i brisanje podataka)

Centralna izborna komisija BiH obavještava nosioca podataka i druga lica, kojima su preneseni podaci, o eventualnim ispravkama i brisanju tih podataka ako se time ne narušava opravdan interes nosioca podataka, u skladu sa članom 27. Zakona o zaštiti ličnih podataka.

Član 12.
(Evidencija o zbirkama ličnih podataka)

(1) Centralna izborna komisija BiH vodi evidenciju o svakoj zbirci ličnih podataka iz člana 3. ovog pravilnika, u skladu sa članom 13. Zakona o zaštiti ličnih podataka.

(2) Evidencija iz stava (1) ovog člana sadrži osnovne informacije o svakoj zbirci ličnih podataka i vodi se na obrascu evidencije koji je propisan Pravilnikom o načinu vođenja i obrascu evidencije o zbirkama ličnih podataka, a koji je sastavni dio ovog pravilnika (Obrazac 1.).

Član 13.
(Evidencija o davanju ličnih podataka korisniku)

(1) Centralna izborna komisija BiH vodi evidenciju o ličnim podacima koji su dati korisniku ličnih podataka i svrsi za koju su dati, u skladu sa članom 17. stav (5) Zakona o zaštiti ličnih podataka.

(2) Evidencija iz stava (1) ovog člana vodi se u elektronskom obliku, na Obrascu 2. koji je sastavni dio ovog pravilnika.

Član 14.
(Evidencija o odbijenim zahtjevima nosioca podataka)

(1) Centralna izborna komisija BiH vodi evidenciju o odbijenim zahtjevima nosioca podataka u skladu sa članom 26. Zakona o zaštiti ličnih podataka.

(2) Evidencija iz stava (1) ovog člana vodi se u elektronskom obliku na Obrascu 3. koji je sastavni dio ovog pravilnika.

Član 15.
(Službenik zadužen za vođenje tabelarnog pregleda evidencija)

Tabelarni pregled evidencija iz člana 12., 13. i 14. ovog pravilnika vodi državni službenik na radnom mjestu stručnog savjetnika za analitičko-informacione i dokumentacione poslove u Kabinetu Centralne izborne komisije BiH.

Član 16.
(Plana sigurnosti)

Član 16.
(Plana sigurnosti)

(1) Centralna izborna komisija BiH donosi Plan sigurnosti, koji sadrži tehničke i organizacione mjere za sigurnost podataka koji se obrađuju u Centralnoj izbornoj komisiji BiH, u skladu sa odredbama Pravilnika o načinu čuvanja i posebnim mjerama tehničke zaštite („Službeni glasnik BiH“, broj 67/09).

(2) Procjenu adekvatnosti tehničkih i organizacionih mjera zaštite ličnih podataka vrši kolegij Centralne izborne komisije BiH najmanje jednom godišnje.

Član 17.
(Stupanje na snagu)

Ovaj pravilnik stupa na snagu osmog dana od dana objave u “Službenom glasniku BiH”.

Broj: 07-2-02-2-1025-1/11
Sarajevo, 25.08.2011. godine

Predsjednica



EVIDENCIJA O ZBIRCI LIČNIH PODATAKA

Pojmovi koji se koriste u ovom obrascu imaju značenje utvrđeno Zakonom o zaštiti ličnih podataka („Službeni glasnik BiH“ broj 49/06) i Pravilnikom o načinu vođenja i obrascu evidencije o zbirkama ličnih podataka („Službeni glasnik BiH“, broj 51/09).

Ova evidencija odnosi se na:

- a) prethodnu obavijest o namjeravanoj uspostavi zbirke ličnih podataka datum podnošenja prethodne obavijesti _____
- b) prvo prijavljivanje zbirke ličnih podataka – evidencija br.: _____
- c) izmjenu/dopunu evidencije br. _____ datum podnošenja evidencije/izmjene/dopune _____

OSNOVNE INFORMACIJE O ZBIRCI LIČNIH PODATAKA

1. Naziv zbirke ličnih podataka:

2. Podaci sadržani u zbirci ličnih podataka obrađuju se:

- ručno
- automatskom obradom ličnih podataka
- djelimično automat. s pripadajućom ručnom datotekom

3. Kontrolor zbirke ličnih podataka:

naziv / ime: _____
 ulica i broj: _____
 mjesto: _____
 broj telefona: _____
 broj faxes: _____

4. Obrađivač zbirke ličnih podataka:

naziv / ime: _____
 ulica i broj: _____
 mjesto: _____
 broj telefona: _____
 broj faxes: _____

5. Poslovi obrade povjereni obrađivaču:

6. Svrha obrade (opis):

svrha obrade određena je:

- zakonom
- od strane kontrolora zbirke ličnih podataka uz saglasnost nosioca podataka

7. Pravni osnov uspostave zbirke podataka:

- naziv i odredbe zakona:

- način davanja saglasnosti nosioca podataka za prikupljanje i obradu njegovih ličnih podataka:

8. Vrsta ličnih podataka koji se obrađuju

Zbirka ličnih podataka sadrži sljedeće vrste ličnih podataka:

Vrste podataka:
1.
2.
3.

9. Kategorije nosioca podataka

Zbirka ličnih podataka odnosi se na sljedeću kategoriju lica:

Kategorija lica:
1.
2.

10. Izvor podataka i način prikupljanja ličnih podataka

Podaci navedeni pod tačkom 8. ove evidencije dobijeni su iz ovdje navedenih izvora i na ovdje navedene načine:

Izvor dobijanja informacija:	Način dobijanja informacija:
1.	1.
2.	2.

11. Vrste prenesenih podataka, korisnici i pravni osnov

Sljedećim podacima iz tačke 8. će biti omogućen pristup ovdje navedenim korisnicima po ovdje navedenom osnovu:

Vrste prenesenih podataka:	Korisnici:	Pravni osnov:
1.	1.	1.
2.	2.	2.

12. Rokovi za brisanje podataka

Lični podaci sadržani u ovoj zbirci ličnih podataka čuvaju se u vremenskom razdoblju:

Datum uspostave zbirke ličnih podataka _____

Datum brisanja ličnih podataka _____

13. Unošenje odnosno iznošenje ličnih podataka iz Bosne i Hercegovine

Da li su lični podaci sadržani u ovoj zbirci dati na korištenje licima ili institucijama izvan Bosne i

Hercegovine?

Ne _____

Da, sljedećim korisnicima u sljedećim zemljama u ovdje navedenu svrhu, na osnovu ovdje navedenog propisa, odnosno saglasnosti nosioca podataka:

14. Naznaka preduzetih mjera zaštite ličnih podataka

U cilju zaštite ličnih podataka preduzete su ovdje navedene organizacijsko tehničke mjere zaštite:

Potpis odgovornog lica i pečat:

Bosna i Hercegovina
 Centralna izborna komisija Bosne i Hercegovine

(organizaciona jedinica)

**EVIDENCIJA O LIČNIM PODACIMA DATIM NA KORIŠTENJE KORISNICIMA LIČNIH PODATAKA
 I SVRSI ZA KOJU SU LIČNI PODACI DATI**

Redni broj	Zaposleni koji obrađuje lične podatke (ime i prezime, radno mjesto, organizaciona jedinica)	Datum davanja ličnih podataka	Vrsta ličnih podataka koji se daju na korištenje	Pravni osnov i svrha za koju se lični podaci daju	Napomena
1.					
2.					
3.					

Bosna i Hercegovina
 Centralna izborna komisija Bosne i Hercegovine

(organizaciona jedinica)

**EVIDENCIJA O ODBLJENIM ZAHITJEVIMA NOSILACA LIČNIH PODATAKA ZA PRUŽANJE INFORMACIJE
 U VEZI S OBRADOM NJEGOVIIH LIČNIH PODATAKA**

Redni broj	Ime i prezime nosioca ličnih podataka	Broj i datum zahtjeva	Sadržaj zahtjeva	Broj i datum rješenja o odbijanju zahtjeva	Razlog odbijanja zahtjeva	Napomena
1.						
2.						
3.						